

Հ. Ու. Մելիքեթյան

ՀԱՅԱՍՏԱՆԻ ՕԳՆՈՒԹՅԱՆ ԿՈՄԻՏԵՆ ԵՎ ՆՐԱ ԴԵՐԸ
ՀԱՅՐԵՆԻՔԻ ՀԵՏ ՍՓՅՈՒՌՔԱՀԱՅ ԱՇԽԱՏԱՎՈՐՆԵՐԻ
ԿԱՊԵՐԻ ԱՄՐԱՊՆԴՄԱՆ ԳՈՐԾՈՒՄ

Հայաստանի Օգնության Կոմիտեի գործունեության ուսումնասիրությունը պատմագիտական որոշակի հետաքրքրություն է ներկայացնում:

Առաջին համաշխարհային իմպերիալիստական պատերազմը և դաշնակների տիրապետությունը լիակատար քայքայման էին հասցրել Հայաստանը: Ավելի քան 200 հազար բնավեր արևմտահայեր, առանց նյութական ապահովության ու հիմնական օթևանի, գտնվում էին նախկին Երևանյան նահանգում: Երկրով մեկ ցրված էին հազարավոր որբ ու անապաստան երեխաներ: Ամենուրեք մոլեգնում էր սովը ու համաճարակը: Հայ ժողովուրդը ֆիզիկական ոչնչացման սպառնալիքի տակ էր գտնվում, երբ 1920 թ. նոյեմբերին հաղթանակած Սովետական իշխանությունը բացեց նրա փրկության միակ ճանապարհը:

Սակայն սովետական կարգերի հաստատումից կարճ ժամանակ հետո՝ երկրին նորանոր ավերածություններ ու աղետներ պատճառեց դաշնակների փետրվարյան ավանտյուրան:

1921 թ. Հայաստանում բռնկված երաշտի հետևանքով էլ ավելի ահռելի չափեր ընդունեց սովը: Արդեն 1922 թ. սկզբներին այն ընդգրկել էր համարյա բոլոր գավառները. Ալեքսանդրապոլի գավառում սովի ճիրաններում էին գրտնըվում 37 հազ., Նոր Բայազետում՝ 38 հազ., Դարալագյազում՝ 12 հազ., Ղարաբաղի խաղաղում՝ 15 հազ., Լոռում՝ 6 հազ., Մեղրիում՝ 3 հազ., էջմիածնում՝ 30 հազ. մարդ: Օրեցօր աճում էր սովյալների թիվը Երևանում, Բասարգեշում և այլուր¹:

Կոմունիստական պարտիայի գլխավորությամբ, հայ ժողովրդի գործադրած հերոսական ջանքերի շնորհիվ 1921 թ. ապրիլի 2-ին լիկվիդացվեց դաշնակների 45-օրյա արյունոտ դիկտատուրան, իսկ հուլիսի կեսերին Սովետական Հայաստանի ամբողջ տերիտորիայից ընդմիշտ դուրս վճռվեցին նրանց վերջին մնացորդները:

Հայաստանի Կոմունիստական պարտիայի և կառավարության առջև ծառացած տնտեսական լուրջ դժվարությունների հաղթահարման գործում հսկայական նշանակություն ունեցավ Սովետական Ռուսաստանի և եղբայրական մյուս ռեսպուբլիկաների րազմակողմանի օգնությունը: Սովետական Ռուսաստանը, չնայած իր տնտեսական ծանր դրությանը, դեռևս 1920 թ. դեկտեմբերին Հայաստանին տրամադրում է 600.000 ռուբլի՝ ոսկու կուրսով: Այնուհետև մինչև 1922 թ. սկզբները, ոչ լրիվ տվյալներով, ուղարկվում է 1 միլիոն 545 հազ.

¹ Տես՝ Հայկական ՍՍՌ Հոկտեմբերյան ռևոլյուցիայի կենտրոնական Պետական արխիվ (հետազոտում նշվում է՝ ՀՍՍՌ ՀՌԿՊԱ), ֆ. 178, դ. 1240, թ. 103:

ռուլի զրամ, 426 հազ. փութ հացահատիկ և ալյուր, 70 հազ. փութ ձկնեղեն, 11 հազ. փութ աղ, 7000 փութ շաքար, 150 փութ կակաո, 12 վագոն դեղորայք, 1.177.000 փութ վառելիք, 1,5 միլիոն արշին մանուֆակտուրա, 100.000 ռուլու դալանտերեայի տպրանքներ, 18.000 կոմպլեկտ գինվորական համազգեստ, 36.000 զույգ սպիտակեղեն, 1500 գլուխ անասուն (մեծ մասամբ ձիեր), 10 օղանավ, նույնքան էլ ավտոմեքենաներ, մեծ քանակությամբ գյուղատնտեսական գործիքներ, տպարանական սարքավորում, հեռագրական և հեռախոսային ապարատներ և այլն: Սովետական Ուկրաինայից 1922 թ. հունվարին Հայաստանն ստացել է 12 վագոն գարի, 19 վագոն հաճար, 14 վագոն արինձ (հնդկացորեն), 7 վագոն վարսակ և այլ մթերքներ, իսկ Ադրբեջանից՝ մեծ քանակությամբ վառելիք²:

Այնչափ է, որ Սովետական Ռուսաստանի և եղբայրական մյուս ռուսալուրիկների համակողմանի օգնությունը վճռական դեր խաղաց հայ ժողովրդի համար ձակատագրական այդ օրերին և նրան հնարավորություն տվեց դուրս գալ տնտեսական դժվարին վիճակից ու վստահորեն ընթանալ սոցիալիզմի կառուցման ուղիով:

Ասեալն հայ ժողովրդի միայն մի մասին հաջողվեց իր բախտը կապել սոցիալիստական ռուլյուցիայի հաղթանակի հետ, մինչդեռ թուրք ջարդարարների սարքած արշունալի սպանդից մի կերպ փրկված հարյուր հազարավոր հայ աշխատավորներ ցրված էին աշխարհով մեկ և գտնվում էին անհուսալի վիճակում:

Կոմունիստական պարտիան, Սովետական կառավարությունը և Սովետական իշխանության շնորհիվ հայ ժողովրդի ազգային վերածնունդի ուղին բռնած հատվածը չէին կարող անտարբեր մնալ սփյուռքահայ աշխատավորների ձակատագրի նկատմամբ: Անհրաժեշտ էր նրանց շրջանում սխտեմատիկ աշխատանք ծավալել ու հեռու պահել ազգայնական-բուրժուական պարտիաների նոր ավանտյուրաներին հետևելուց, կապել Սովետական Հայաստանի հետ և համախմբել նրա շուրջը: Սփյուռքահայ աշխատավորների համար այդպիսի դեր կատարեց Հայաստանի Օգնության Կոմիտեն:

Հայաստանի Օգնության Կոմիտեի, ավելի ճիշտ համանման մի կազմակերպության ստեղծման գաղափարը պատկանում է մեր ժողովրդի բախտով խորապես շահագրգռված մի խումբ մտավորականների, որոնց հայրենասիրական նախաձեռնությունը ջերմ համախմբումն ու աջակցություն գտավ Հայաստանի Կոմունիստական պարտիայի և Սովետական կառավարության ղեկավարության կողմից: ՀՕԿ-ի հիմնադիր անդամներն են եղել պետական ու հասարակական ակնավոր գործիչներ՝ Ս. Կասյանը, Ս. Տեր-Գալբեկյանը, Ս. Համբարձումյանը, Ա. Բեկդադյանը, Գ. Շահվերդյանը, Ա. Մելիքյանը, Ա. Կախոյանը, Ս. Մարտիրոսյանը, Ա. Կարինյանը, մեր մտավորականության լավագույն ներկայացուցիչներ՝ Հովհաննես Թումանյանը, Նար-Դոստ, Դերենիկ Դեմիրճյանը, Եղիշե Թադևոսյանը, Ռոմանոս Մելիքյանը, Հակոբ Մանանդյանը, Ստեփան Մալխասյանը, Է. Լեոն, Վահան Արծրունին, Մանուկ Աբեղյանը, Գրիգոր Զուրարյանը, Մարտիրոս Սարյանը և ուրիշներ: Նրա հիմնադիրները սկզբից չէին նպատակ էին դրել ՀՕԿ-ի միջոցով, մի կողմից՝ Սովետական կառավարության շուրջը համախմբել ու շինարար աշխատանքի ներգրավել հայ մտավոր-

² Տե՛ս՝ «Восстановление народного хозяйства Армянской ССР» (сборник материалов и документов), Ереван, 1958, стр. 91—100.

րականության կենսունակ այն ուժերին, որոնք վանալան պատճառներով հեռու էին կանգնել երկրում կատարվող վերափոխություններից, ինչպես նաև պրոպագանդայի բազմազան միջոցներով ցրել Սովետական իշխանության շուրջը թշնամիների կողմից տարածվող զրպարտությունների ու ստահող լուրերի շնորհիվ ստեղծված անվստահության մթնոլորտը սփյուռքահայ աշխատավորության մեջ, իսկ մյուս կողմից՝ հնարավորության սահմաններում օգնել Սովետական կառավարությանը անցյալի չարալետ հետևանքների դեմ մղվող պայքարում:

Անհրաժեշտ է միաժամանակ ընդգծել, որ ՀՊԿ-ի հիմնադիրները դրսից առանձնապես նյութական սպասելիքներ չունեին: Նրանց համար առավել կարևոր էր ՀՊԿ-ի միջոցով հայկական զաղթալայրերում տարվելիք աշխատանքը, աշխատանք, որի շնորհիվ հնարավոր կլիներ թուրքական արյունոտ յաթապանից մի կերպ ազատված ու աշխարհով մեկ ցրված արևմտահայությանը հանել ազգայնական-բուրժուական պարտիաների ազդեցությունից և նրան դիմադարձնել դեպի Սովետական Հայաստան:

Շնորհիվ Սովետական Ռուսաստանի ու եղբայրական մյուս ռեսպուբլիկաների օգնության, արագորեն լիկվիդացվեցին Հայաստանի տնտեսական դժվարությունները, իսկ և ՀՊԿ-ը իր հիմնադրումից կարճ ժամանակ անց հիմնականում դարձավ երկրի հետ սփյուռքահայ աշխատավորությանը շահակապող օղակներից մեկը՝ իր գործունեությունը ծավալելով առավելապես արտասահմանյան հայ զաղույթներում:

Հնարավորություն չունենալով մի հողվածում տալու ՀՊԿ-ի ամբողջական պատմությունը, ցանկանում ենք անդրադառնալ նրա գործունեության միայն մի քանի կողմերին:

* * *

ՀՊԿ-ի հիմնադիր ժողովը (որը և առաջին համագումարն է) տեղի է ունեցել 1921 թ. սեպտեմբերի 13-ից 20-ը, Երևանում³: Ժողովը նախաձեռնող խումբերի անունից բացում է ՀՍԽՀ Հողագործության ժողովրդական կոմիսար Արամայիս Երզնկյանը: Նա իր ելույթում ներկայացնում է քայքայված երկիրը վերականգնելու ուղղությամբ Սովետական կառավարության ձեռնարկած միջոցառումները և այդ գործում բոլոր ուժերի մոբիլիզացման անհրաժեշտությունը: Նա նշում է մտավորականության կարևոր դերը կառավարությանն օգնելու և սոցիալիստական հայրենիքի՝ վերածնվող Հայաստանի մասին սփյուռքահայ աշխատավորությանը ճշգրիտ ինֆորմացիա տալու տեսակետից:

Սովետական իշխանությունն ինքնին ձողղական հսկայական ուժ ունեւր կապիտալի տիրապետության տակ հեծող միլիոնավոր աշխատավորների համար, սակայն, եթե նկատի ունենանք սկզբնական շրջանում բուրժուական պրոպագանդայի և վարձու գրչակների խլուրդային աշխատանքը՝ սովետների երկրի մասին ամեն տեսակ զրպարտություններ տարածելու տեսակետից, ապա հասկանալի կլինի, թե որքան կարևոր էր մեր երկրի մասին ճշմարտությունը սահմանից այն կողմ հասցնելը: Այդ նպատակն իրականացնելու համար նախաձեռնող խմբակն առաջարկում է ստեղծել մի անպարտիական, հասարակական կազմակերպություն, որն իր ճյուղերը ունենար ինչպես սովետական

³ ՀՍՍՌ ՀՌԿՊԱ. ֆ. 178, դ. 240, թ. 21-26:

մյուս ռեսպուբլիկանների հայաբնակ վայրերում, այնպես էլ արտասահմանյան հայ գաղութներում, և որոնց միջոցով երկրից դուրս գտնվող հայ աշխատավորությունը կկարողանար կապվել հայրենիքի հետ՝ նախաձեռնող խմբակի առաջարկության բազմակողմանի քննարկումից հետո, համագումարն ընդունում է կազմակերպության կանոնադրությունը և հատուկ պատվիրակության միջոցով ներկայացնում ՀՍԽՀ Ժողկոմխորհի նախագահ Ալ. Մյասնիկյանին՝ կառավարության հավանությունն ստանալու համար 1921 թ. սեպտեմբերի 15-ին, Ժողկոմխորհի ղեկընտրվ, հաստատվում է ՀՕԿ-ի կանոնադրությունը⁵։ Համագումարն ընտրում է ՀՕԿ-ի առաջին նախագահությունը (Գլխավոր կամ Կենտրոնական Վարչություն), որի կազմում էին. նախագահ՝ Հովհ. Թումանյան, փոխ-նախագահ՝ Ար. Երզնկյան, քարտուղար՝ Երվ. Թադևոսյան, անդամներ՝ Դր. Տեր-Սիմոնյան, Գր. Վարդանյան, Սիմ. Փիրումյան և ուրիշներ⁶։

ՀՕԿ-ի համագումարը մի ղեկավարացիայով դիմեց սփյուռքահայ աշխատավոր լայն զանգվածներին, կոչ անելով համախմբվել սոցիալիստական հայրենիքի շուրջը և ամեն կերպ ամրապնդել կապերը նրա հետ։

Խիստ ուշագրավ է 1921 թ. հոկտեմբերի 16-ին ՀՕԿ-ի նախագահության հրատարակած միօրյա հատուկ թերթիկում Հովհ. Թումանյանի «ՀՕԿ-երի առիթով» հոդվածը, որտեղ նա, ընդգծելով ՀՕԿ-ի հիմնադրման կարևոր նշանակությունը, գրում է. «...դարերից ի վեր առաջին անգամն է մեր կյանքում, որ էս տեսակ մի մարմին հաստատվում է իր սեփական պետության ղեկընտրվ և իրավունք ունի ազատ շարժվելու իր երկրում»⁷։

ՀՕԿ-ի հիմնադիր համագումարից անմիջապես հետո ստեղծվում են նրա տեղական մասնաճյուղերը՝ Ռիֆլիսում (1921 թ. հոկտեմբեր), Բաթումում (1921 թ. նոյեմբեր), Մոսկվայում և Բաքվում (1922 թ. փետրվար)։ ՀՕԿ-ի մասնաճյուղեր են կազմակերպվում հատկապես նրա երրորդ համագումարից (1923 թ. հոկտեմբեր) հետո՝ Աստրախանում, Խարկովում, Կիևում, Օդեսայում, Ցարիցինում և Հյուսիսային Կովկասի ու Միջին Ասիայի գրեթե բոլոր հայաշատ քաղաքներում։

Արտասահմանում ՀՕԿ-ի մասնաճյուղեր հիմնադրելու և գաղութահայ աշխատավորների կողմից երկրին օգնություն կազմակերպելու տեսակետից մեծ նշանակություն ունեցավ Հովհ. Թումանյանի և Երվ. Թադևոսյանի 1921 թ. նոյեմբերին որպես ՀՕԿ-ի պատվիրակներ Կ. Պոլիս կատարած ուղևորությունը։ Նրանց նպատակն էր, ինչպես գրում է Հովհ. Թումանյանը՝ «...մեր Կոմիտեին համանման մի մարմին ստեղծել Պոլսում, կապել մերին հետ, և նրա հետ միասին ազդել ավելի հեռու մեր գաղութների վրա, առաջ բերելու նույն տեսակի մարմիններ»⁸։ Նրանք Պոլսում գտնում են արդեն գոյություն

⁴ Ն ու յ ն տ ե ղ ու մ ։

⁵ Ն ու յ ն տ ե ղ ու մ ։ Ֆ. 4/114, գ. 5, թ. 46։

⁶ Տարբեր ժամանակներում ՀՕԿ-ի Կենտրոնական Վարչության և Վերսուզիչ Հանձնաժողովի անդամներ են եղել Նաև Սարգիս Խանոյանը (ՀՕԿ-ի նախագահ 1931 թ.), Յուլիս Խանդադյանը, Կարեն Միրախլյանը, Ալեքսանդր Բակունցը, Նաիրիման Տեր-Վաղարյանը, Հարություն Սուրխաթյանը, Միրախլյան Մանվելյանը, Խաչատուր Ավագյանը, Արսեն Խաչատրյանը (ՀՕԿ-ի նախագահ 1935—37 թթ.), Գեղամ Անտիկյանը, Ալեքսանդր Խամանյանը, Մարտիրոս Սարյանը, Ալեքսանդր Պապովյանը, Արամ Մանուշարյանը (ՀՕԿ-ի նախագահ, 1937 թ.) և ուրիշներ։

⁷ ՀՍՍՌ ՀՌԿՊԱ, ֆ. 178, գ. 1239, թ. 1—2։

⁸ Ն ու յ ն տ ե ղ ու մ ։ գ. 393, թ. 13։

ունեցող մի այդպիսի օրդան՝ «Հայրենիքի Օգնության Մարմինը»: Երբ Հովհ. Թումանյանի գլխավորած պատվիրակությունը Կ. Պոլիս է հասնում, ՀՄ-ը գտնվում էր երեքուն վիճակի մեջ և փաստորեն անգործության էր մատնված դաշնակների հակասովետական պրոպագանդայի հետևանքով: Պատվիրակությունը կարճ ժամանակամիջոցում պոլսահայությունը ծանոթացնում է Երկրի իսկական դրության ու կառավարության ճիշտ քաղաքականության հետ և բեկում առաջ լինում նրանց՝ ղեկի Սովետական Հայաստանն ունեցած տրամադրությունների մեջ: Պատվիրակությունը հաջողվում է նաև ՀՕԿ-ի կողմից ՀՄ-ին ճանաչելու շնորհիվ ամրապնդել վերջինիս դիրքերը: Սակայն հատկապես 1924 թ. սկզբներին միայն գաղութահայությունը վճռական շրջադարձ է կատարում ղեկի Սովետական Հայաստան: Այդ շրջադարձի համար որոշող նշանակություն ունեցան երկրում Սովետական իշխանության ձևը բերած լուրջ հաջողությունները, ինչպես նաև սփյուռքահայության՝ արևմտյան տերությունների հետ կապված ակնկալությունների խորտակումը Լոզանի կոնֆերանսում, Սակայն անհրաժեշտ է նշել, որ հենց սկզբից գաղութահայ ունեոր խավերը, ինչպես և պետք էր սպասել, բացահայտ թշնամական դիրք բռնեցին «պոլշեկյան» Հայաստանի նկատմամբ և նրան համակրող կազմակերպություններ ստեղծելու խնդրում: Հակառակ դրան՝ սփյուռքահայ աշխատավորական լայն զանգվածները բռն ապստամբություն ցուցաբերեցին հայրենիքի նկատմամբ: Հունաստանի հայ աշխատավորներն արտասահմանում առաջիններից մեկը՝ ստեղծեցին ՀՕԿ-ի տեղական մասնաճյուղեր (ապրիլ, 1924 թ.) և շնայած իրենց քաղաքական անբարենպաստ կացությանն ու տնտեսական սուղ պայմաններին, զգալի միջոցներ տրամադրեցին ՀՕԿ-ի Կենտրոնական Վարչությանը: 1925 թ. սկզբներից արդեն ՀՕԿ-ը Ֆրանսիայում, ԱՄՆ-ում, Բալկանյան ու Մերձավոր Արևելքի երկրներում և այլուր լայնորեն տարածեց իր մասնաճյուղերը⁹:

Հայաստանի Օգնության Կոմիտեն իր 16-ամյա գոյության ընթացքում անցել է գործունեության երեք հիմնական էտապ: Առաջին էտապն ընդգրկում է 1921—1923 թվերը, երբ գլխավոր ուղադրությունը կենտրոնացված էր կարիքավոր բնակչության համար. պարեն, հագուստեղեն, դեղորայք և այլ անհրաժեշտ ապրանքներ ձևով բերելու ու բաշխելու վրա:

ՀՕԿ-ը իր գործունեության երկրորդ էտապում (1923—31 թթ.) հիմնականում զբաղված էր արտասահմանյան հայ գաղութների աշխատավորներին իր շուրջը համախմբելու հարցով, իսկ Երկրի ներսում՝ շինարարական ու մշակութային կարևոր ձեռնարկումների իրականացմամբ: Ծռանդուն գործունեություն ծավալելու շնորհիվ արդեն 30-ական թվականների սկզբներին ՀՕԿ-ը արտասահմանում ուներ 200-ից ավելի կազմակերպություններ, ավելի քան 10.000 անդամներով¹⁰: Այս էտապում ՀՕԿ-ի Գլխավոր Վարչության կողմից արտասահման են մեկնել մի շարք պատվիրակություններ ու անհատ գործիչներ: Պրոպագանդայի համար օգտագործվել են գրականությունը, կինոն, հայ գաղութներում կազմակերպվել են Հայաստանի տնտեսական նվաճումների ու մշակույթի շրջիկ ցուցահանդեսներ, հրատարակվել են զանազան գեղարվես-

⁹ «Հրավիրակ», ամսագիր, օրդան ՀՕԿ-ի Կենտրոնական, Երևան, 1925, հուլիս, № 1, էջ 18:

¹⁰ «ՀՕԿ-ի Տեղեկատու», ամսագիր, օրդան ՀՕԿ-ի Կենտրոնական, Երևան, 1928, № 1, էջ 56—60:

¹¹ «ՀՕԿ», ամսագիր, օրդան արտասահմանյան ՀՕԿ-երի, Փարիզ, 1935, № 12, էջ 583:

տական ալբոմներ, բացիկներ (Հայաստանի արդյունաբերական ու շինարարական կառույցների, տեսարժան վայրերի պատկերներով), պարբերականներ և այլն, որոնց շնորհիվ հայրենիքի մասին Սփյուռքում ստեղծվում էր ճիշտ պատկերացում: Բնութագրելով ՀՅԿ-ի դերը, Հայաստանի Ժողկոմխորհի նախագահ Ս. Մ. Տեր-Գաբրիելյանը նշել է. «ՀՅԿ-ը հանդիսանում է դադութահայության մեջ խորհրդային Հայաստանի ամենազերմ բարեկամը և նրա տնտեսական, քաղաքական, կուլտուրական վերելքի ու բարգավաճման մասին զրեթե առաջին և միակ տեղեկատու հասարակական կազմակերպությունը:

ՀՅԿ-երը եղել են և են խորհ. Հայաստանի և դադութահայության շաղկապը:

... Այսօր ՀՅԿ-երն են, ... որ նրանց (խոսքը սփյուռքահայ աշխատավորների մասին է — Ն. Մ.) բերում կանգնեցնում են մեր սոցիալիստական Հայրենիքի կողքին¹²:

Երրորդ էտապը սկսվում է 1931 թ., երբ լայն հնարավորություններ են ստեղծվում ներգաղթ կազմակերպելու համար: Ներգաղթի իրականացման գործում ՀՅԿ-ի Գլխավոր Վարչությունն ու նրա մասնաճյուղերն ունեցել են իրենց գործոն մասնակցությունը:

ՀՅԿ-ի Գլխավոր Վարչությունը իր միջոցներով աջակցություն էր ցույց տալիս Ղամարլուի, Դավալուի և Բասարգեշարի շրջաններում տեղավորված դադութականությանը, տալով հագուստեղեն, հացահատիկ, վառելափայտ, շինանյութ և այլն: Միջադեպից Բասարգեշարի շրջանը տեղափոխված դադութականներին, որոնք զուրկ էին նույնիսկ կենսական ամենաանհրաժեշտ միջոցներից, 1922 թ. վերջերին ՀՅԿ-ը հատկացրել է մեծ քանակությամբ շինափայտ, վառելիք և 12.000 փութ ալյուր ու ցորեն¹³, ՀՅԿ-ն իր վրա էր վերցրել Աշտարակի, Կոշի, Օշականի և մի քանի ուրիշ գյուղերի դպրոցների շեֆությունը. օժանդակում էր նրանց շենքերի վերանորոգմանը և պարբերաբար մատակարարում ալյուր, հագուստեղեն, կոշիկներ ու զրեթեական պիտույքներ¹⁴, նյութապես օգնում էր նաև Ալեքսանդրապոլի, Աշտարակի և Օշականի որբանոցներին¹⁵:

ՀՅԿ-ի Գլխավոր Վարչության առողջապահական բաժինը զգալի դեր էր կատարում բնակչության բժշկական սպասարկման գործում: Նա հսկայական քանակությամբ դեղորայք է տրամադրել մայրաքաղաքում տառապող շրջանների բնակչությանը, պայքար է ծավալել ամենուրեք տարածված տարափոխիկ հիվանդությունների դեմ: 1923 թ. ամռանը առողջապահական բաժինը իր միջոցներով պահում էր չորս շրջիկ բուժ. կայաններ, որոնց վրա ծախսել է 7000 ռ. ոսկով¹⁶:

ՀՅԿ-ի գործունեության մեջ վճռական բեկում մտցրեց նրա երրորդ համագումարը, որը տեղի ունեցավ Երևանում 1923 թ. հոկտեմբերի 14—19-ը: Համագումարի աշխատանքներին մասնակցում էին 40 պատգամավորներ, այդ թվում՝ Ֆրանսիայից, Գերմանիայից, Շվեյցարիայից, Եգիպտոսից, Անգլիա-

¹² ՀՍՍՌ ՀՌԿՊԱ. ֆ. 178, գ. 741, թ. 10:

¹³ ՆՈԱՀՆ տեղում, գ. 31, թ. 29:

¹⁴ ՆՈԱՀՆ տեղում, գ. 258, թ. 2—3:

¹⁵ ՆՈԱՀՆ տեղում, գ. 387, թ. 7:

¹⁶ ՀՀ Ժողովրդական, Երևան, 1923, № 1, էջ 6:

յից, Բելգիայից և Պարսկաստանից եկած ներկայացուցիչներ¹⁷։ Հանրագումարի բերելով Գլխավոր Վարչության կատարած աշխատանքները անցած երկու տարում և ի նկատի ունենալով բնակչության տնտեսական դրության բարելավումը՝ համագումարը որոշում է ընդունել առաջիկայում լիովին վերջ տալ միջոցների գործադրության սպառողական բնույթին և որդեգրել գործունեության այնպիսի ծրագիր, որի գործադրմամբ մնայուն արժեքներ ստեղծվեն երկրի տնտեսական և կուլտուրական կյանքում։

Այդ մի այնպիսի ժամանակաշրջան էր մեր երկրի կյանքում, երբ արդեն Սովետական Հայաստանը հիմնականում լիկվիդացրել էր տնտեսական դժվարությունները և լիովին ձեռնամուխ եղել ժողովրդական տնտեսության վերականգնման ու կուլտուրական վերափոխության ծավալուն շինարարության։ Ահա այդ դործում Սովետական կառավարությանը որոշ չափով օգնած լինելու նպատակով էլ ՀՕԿ-ի համագումարը նշեց նրա գործունեության նոր ուղիները։ Համագումարի դիրեկտիվների համաձայն ՀՕԿ-ի Գլխավոր Վարչությունը լուրջ օգնություն ցույց տվեց Հողժողովումտին Արարատյան դաշտի ճահճների շտրագման, դերբի ոռոգման և ջրանցքների կառուցման միջոցով նոր հողերի յուրացման ուղղությամբ կատարվող աշխատանքներում։ Դա հնարավորություն տվեց կարճ ժամանակամիջոցում հողով ապահովել ղզալի թվով սակավահող գյուղացիների և ներգաղթողների¹⁸։

ՀՕԿ-ի եկամուտները, որոնց շնորհիվ նա կատարում էր իր առջև դրված խնդիրները, հիմնականում գոյանում էին անդամավճարներից, հրատարակություններից, նվիրատվություններից և այլ աղբյուրներից։ ՀՕԿ-ն իր միջոցներից օգնություն էր ցույց տալիս երկրի առանձին գավառներին, հիմնարկություններին և կարիքավոր քաղաքացիներին։ ՀՕԿ-ի Գլխավոր Վարչությունն իր գործունեության ընթացքում հաճախ նպաստել է նաև երկրում ծավալված ջրանցքների կառուցման, բնակարանային շինարարության, մշակութային կարևոր ձեռնարկումների և այլ աշխատանքների հաջող իրականացմանը։

* * *

ՀՕԿ-ի Կենտրոնական Վարչության 1936 թ. մայիսի 26-ի որոշմամբ ՍՍՏՄ տերիտորիայում գոյություն ունեցող մասնաճյուղերը ենթարկվում են լիկվիդացիայի¹⁹։

Այդ ժամանակաշրջանում փոխվել էր նաև ՀՕԿ-ի արտասահմանյան մասնաճյուղերի դերը։ Նրանք հիմնականում դարձել են սփյուռքահայ աշխատավորության հասարակական կարծիքը դարձնող և նրա ամենաթշվառ մասի շահերն արտահայտող ամենամասսայական կազմակերպությունները։ Այդ ժամանակ Ֆրանսիայում նրանց թիվը հասնում էր 32-ի, ԱՄՆ-ում՝ 45-ի. բազմաթիվ մասնաճյուղեր էին ստեղծվել նաև հայկական այլ գաղթավայրերում։ Արտասահմանում մասնաճյուղեր հիմնադրելու, խնչսկես նաև նրանց աշխատանքները ճիշտ ճանապարհով տանելու ուղղությամբ ՀՕԿ-ին մեծ ծառայություններ են մատուցել Ալ. Իսահակյանը, Շիրվանզադեն, Դանուշ Շահվերդյանը, Սիմոն Բիրումյանը, Պրդոս Մակինցյանը, Եղիա Չուբարը, Զապել Եսա-

¹⁷ ՀՍՍՏ ՀԻԿՊԱ, ֆ. 178, դ. 269, թ. 1-16։

¹⁸ Ն ու յ ն տ ե դ ու մ, դ. 86, թ. 30։

¹⁹ Ն ու յ ն տ ե դ ու մ, դ. 313, թ. 8։

յանը, Տիգրան Զավենը, Ալեքսանդր Բամանյանը, Պատրիկ Սելյանը և ուրիշներ: Հայկական գաղթավայրերում ՀՅԿ-ի դիրքերի ամրապնդման, ինչպես նաև սփյուռքահայ աշխատավորների և հայրենիքի կապերի բարելավման տեսակետից կարևոր նշանակություն են ունեցել նաև ՀՅԿ-ի Կենտրոնական Վարչության կողմից արտասահման գործուղված պատվիրակությունները:

1924 թ. վերջերին արտասահման է մեկնում ՀՅԿ-ի Կենտրոնական Վարչության նախագահ, ՀՍԽՀ Հողժողովում Արմ. Երզնկյանը: Նա լինում է Գերմանիայում, Ֆրանսիայում, Բելգիայում, Անգլիայում, որտեղ բազմաթիվ հանդիպումներ է ունենում գաղութահայ աշխատավորության հետ, հանդես է գալիս զեկուցումներով ու դասախոսություններով²⁰: Ա. Երզնկյանը արտասահմանում տված իր զեկուցումներում ներկայացնում է Անդրկովկասյան ֆեոդալ-բացիայի և Հայաստանի իսկական վիճակը, որի շնորհիվ որոշ չափով ցրվում է հակասովետական հերյուրանքների ու վրպարտությունների հետևանքով ստեղծված անվստահության մթնոլորտը²¹:

Հայաստան վերադառնալուց հետո, 1925 թ. փետրվարի 21-ին, ՀՅԿ-ի Կենտրոնական Վարչության ընդլայնված պլենումում տված իր զեկուցման մեջ Երզնկյանը մանրամասնորեն ներկայացնում է գաղութահայության թշվառ կյանքի տխուր պատկերը և ճրագ աշխատավորական մասի անվերապահ համակրանքը Սովետական Հայաստանի նկատմամբ: Երզնկյանը նշում է, որ «...ներկայումս գաղութահայության ամենահիմնական խնդիրները հանդիսանում են գաղթականությունը և որբերի հարցը», սակայն՝ արտասահմանի բարեգործական հիմնարկությունները փաստորեն զրադված են գերավաճառությամբ, որբերի ցրումով: ...Հայ աղջիկները որբանոցներից տարվում են Կանադա, այս ու այն անհատին ընծայաբերելու կամ էլզասի «պատվավոր բնտանիքներին» մեջ բաժանելու: Իսկ ինչ կլինի դրանց վախճանը, հայտնի է: Երբ ես Փարիզ էի, 900 երեխա բերվեցին և զանազան ֆիրմաների բաժանվեցին, որոնք նրանցից վկայականներ վերցրին, թե քաղաքից իրավունք չունեն բացակայելու, թե մի քանի տարի ոռճիկ չպիտի ստանան: Ահա այդպիսի վերաբերմունք են ցույց տալիս այն «սրբազան» հիմնարկությունները, որոնք զանազան եկեղեցիներում «խեղճ հայություն» համար սենտիմենտ են հավաքում...»²²:

Երբ հայ գաղթականների ու որբերի համար զանազան, «բարեգործներ» ուղղակի ոգորմություններ էին հայցում, այդ նույն ժամանակ Հայոց Բարեգործական Ընդհանուր Միությունը, որի ցմահ նախագահն էր ոչ անհայտ «ազգասեր» Պողոս Նուբար փաշան, իր ձեռքում էր կենտրոնացրել հենց այդ նույն գաղթականների ու որբերի անունով եղած մի շարք գումարներ և ծախսում էր իր բազմաթիվ դասենյակների ու պաշտոնյաների վրա: Բարեգործական Միությունը տարեկան 600.000 ռուբլու եկամուտ ուներ, բայց պահում էր ընդամենը 700 որբ: Հաշվումները ցույց են տվել, որ միայն 1914—1922 թթ. Բարեգործական ընկերությունները գաղութահայ աշխատավորությունից ստացել են մոտ 10 միլիոն դոլար²³: ՀՅԿ-ի արտասահմանյան մասնաճյուղի կարևորագույն անելիքներից մեկն էր՝ կեղծ բարեգործներին զրկել այդ գումարներից

²⁰ ՀՍՍԽՀ ԼՍԿՊԱ, ֆ. 178, գ. 66, թ. 66—68:

²¹ «Պորճրդային Հայաստան», 9 հունվարի, 1925, № 61:

²² ՀՍՍԽՀ ԼՍԿՊԱ, ֆ. 178, գ. 66, թ. 66—68:

²³ Նույն տեղում:

և այն ծառայեցնել գաղութահայության կարիքներին, ՀՕԿ-ը բազմաթիվ առիթներով մերկացնում է Բարեգործական Միությանը, որը սփյուռքահայ մասսաներին խաբելու համար մի քանի ռուբլի էր ուղարկում Հայաստան, իսկ տասնյակ հազարներ շուայում արտասահմանում: Այս տեսակետից խիստ ուշագրավ է Բարեգործական Միության Վարչության նախկին անդամ, ՀՕԿ-ի արտասահմանյան լիազոր. Ե. Կարիկյանի «Կենտրոնաձիգ և կենտրոնախույս» շահեկան լրողությունը, որը ըստ էության մի շառաշուն ապտակ էր Բարեգործականի վարիչներին²⁴: Ե. Կարիկյանը իր այդ ուսումնասիրության մեջ ցույց էր տալիս, որ Բարեգործական Միությունը շորս տարվա ընթացքում, 1921 — 1924 թթ., արտասահմանում ծախսել է 197.000 անգլիական ոսկի, իսկ Սովետական Հայաստան ուղարկած որրերի համար և այլ նպատակներով՝ ընդամենը 8600 անգլիական ոսկի, «մինչդեռ ամբողջ այդ գումարը անոր անունով հավաքած են»²⁵: Այս մերկացումներն այնքան հեղինակազրկեցին այդ դիմապատկերը բարեգործներին, որ նրանք՝ սփյուռքահայ աշխատավորության մեջ իրենց վերջին հենարանը չկորցնելու համար երբեմն ստիպված էին որոշ օգնություն կազմակերպել ներգաղթողներին:

Սովետական Հայաստանի ու սփյուռքահայ աշխատավորների կապերի ամրապնդման և ՀՕԿ-ի արտասահմանյան մասնաճյուղերի գործունեության հետագա աշխուժացման տեսակետից կարևոր դեր խաղաց Գլխավոր Վարչության կողմից 1925 թ. հայկական գաղթավայրերը մեկնած պատվիրակությունը: Հայաստանի Օգնության Կոմիտեի այդ պատվիրակությունը, որի կազմում էին Գլխավոր Վարչության պատասխանատու քարտուղար Գրիգոր Վարդանյանը, Գլխավոր Վարչության անդամ Կարեն Սիքաչեյանը և Կարմիր խաչի նախագահ Բժիշկ Սպանդարատ Կամսարականը, արտասահման մեկնեց 1925 թ. նոյեմբերի 5-ին և վերադարձավ 1926 թ. դեկտեմբերի 1-ին, 13 ամիս մնալով սովետական երկրի սահմաններից դուրս:

Պատվիրակությունը եղավ Գերմանիայի, Ֆրանսիայի, Բելգիայի, Շվեյցարիայի, Անգլիայի, Ամերիկայի գրեթե բոլոր հայաշատ քաղաքներում, ծանոթացավ արտասահմանյան մասնաճյուղերի գործունեությանը, հիմնադրեց ՀՕԿ-ի նոր մասնաճյուղեր: Պատվիրակության անդամները հանդես եկան Սովետական Հայաստանի նվաճումների և ՀՕԿ-ի անելիքների մասին դասախոսություններով ու զեկուցումներով, ցուցադրեցին Գլխավոր Վարչության միջոցներով Հայկիմոյի նկարահանած «Խորհրդային Հայաստան» ֆիլմը. Պատվիրակությունն իրեն հետ արտասահման էր տարել նաև դիադրամաներ, փողարվեստական պատկերազարդ ալյումներ և այլն, որոնք որոշակի գաղափար էին տալիս Հայաստանի տնտեսական ու մշակութային վերելքի մասին: Պատվիրակությունը կազմակերպել էր նաև մի փոքրիկ շրջիկ ցուցահանդես:

ՀՕԿ-ի պատվիրակությունը ջերմ ընդունելություն գտավ սփյուռքահայության կողմից: Պատվիրակության անդամներն իրենց շրջագայությունների ընթացքում եղան տարբեր երկրների մոտ 60 քաղաքներում, 121 ամբաստան հրապարակային բանախոսություններ և զեկուցումներ, որոնց ներկա են գտնվել մի քանի տասնյակ հազար հայեր: Երկու սերիայից բաղկացած «Խորհրդային Հայաստան» դոկումենտալ կինոնկարը, որն ընդգրկում էր երկրի

²⁴ Ն. ու. յ. ն. տ. զ. ու. մ. զ. 305, թ. 84:

²⁵ Ն. ու. յ. ն. տ. զ. ու. մ. զ. 392, թ. 42:

բազմաբովանդակ կյանքը, մեծ հաջողություն ունեցավ: Այդ կինոնկարը կարճ ժամանակամիջոցում դիտել են ավելի քան 50.000 հայեր, և ամեն անգամ, երբ դաճիճում մարում էր լույսը, և էկրանի վրա խավարի միջից երևում էր Սովետական Հայաստանի գերբը, հայրենակարոտ հուզված սրտերը հրճվանքի դե-յուսգույն հաճույք էին ապրում և օվացիա սարքում ի պատիվ սոցիալիզմի երկրի: Այդ կինոնկարի գործած ազդեցությունը այնքան ուժեղ էր պաղովթահայու-թյան վրա, որ դաշնակները մի շարք երկրներում դիմում են տեղական իշխա-նություններին և խնդրում արգելել նրա ցուցադրումը:

Պատվիրակության ծավալած եռանդուն գործունեության շնորհիվ ամրա-պնդվում են ՀՊԿ-ի մասնաճյուղերը, կազմակերպվում նորերը: ՀՊԿ-ի շուրջն են համախմբվում հատկապես աշխատավորական տարրերը, որի հետևանքով էլ այն դառնում է սովետական օրիենտացիայով սփյուռքահայ մասսաների ան-պարտիական, ամենամասսայական կազմակերպությունը:

Պատվիրակությունը ծանոթանում է մի քանի տասնյակի հասնող հայկական կտակների, նվիրատվությունների և այլ ազգային գումարների վիճակին²⁶: ՀՄԽԸ ժողովմիսորին առնթեր «Կտակների ուսումնասիրության հանձնաժողովի» և պատվիրակության հավաքած նյութերի հիման վրա ՀՊԿ-ը 1928 թ. Մոսկվայում րադարակեց պատվիրակության անդամ Կարեն Միքայելյանի «Հայ ժողովրդա-կան հարստությունները արտասահմանում» գիրքը, որը մեծ իրադարձություն առա-ջացրեց զաղովթահայ «բարեգործական» շրջաններում: Այդ գրքի շնորհիվ սփյուռքահայությունը հնարավորություն ունեցավ ճանաչելու իր «բարեկամներին», որոնք տարիներ շարունակ հայ ժողովրդից թաքցրած էին պահում իրակա-նում նրան պատկանող ազգային գումարները: 1928 թ. ամռանը ՀՊԿ-ի Կենտրո-նական Վարչության կողմից մի նոր պատվիրակություն (Գրիգոր Վարդանյան և Լևոն Մուսայելյան) մեկնեց արտասահման, որը շուրջ մեկ տարվա ըն-թացքում եղավ Եվրոպայի և Ամերիկայի մի շարք երկրներում, ծանոթացավ ՀՊԿ-ի արտասահմանյան մասնաճյուղերի գործունեությանը ու սփյուռքահայ աշխատավորության դրությանը²⁷: Պատվիրակության անդամները իրենց գե-կուցումներով և դասախոսություններով սփյուռքահայությանը ներկայացրին երկրի կյանքը, լուսանկարների և այլ ցուցադրական նյութերի միջոցով պատ-կերացում տվեցին Լենինականի վերաշինության մասին: Պատվիրակությունն իր հետ էր տարել նաև «Խորհրդային Հայաստանն այսօր» գովումենտալ նոր ֆիլմը: Այդ նույն ժամանակներում Ամերիկայում և այլ երկրներում ցու-ցադրվում էին Հայաստանի Պետության խնդիրները արտադրած «Նամուս» և «Չար ոգին» գեղարվեստական կինոնկարները, որոնք մեծ հաջողություն ունեցան²⁸:

ՀՊԿ-ի այս պատվիրակությունները, ինչպես նաև Հայաստանի ղեկավար գործիչների ու մտավորականների արտասահմանյան ուղևորությունները, պրոպագանդայի բազմազան միջոցները, արդեն 20-ական թվականների վեր-ջերին մեծապես ուժեղացրին ՀՊԿ-ի դիրքերը զաղովթահայ ալ. կազմակեր-պությունների համեմատությամբ:

²⁶ Տե՛ս՝ ՀՄԽԸ ՀԻԿԳԱ, ֆ. 178, դ. 298, թ. 10—14 (ՀՊԿ-ի Դիտվոր Վարչության 1926 թ. դեկտեմբերի 31-ի նիստում պատվիրակության տված հաշվետվությունը), նաև «Պորհրդային Հայաստան», 21 դեկտեմբերի, 1925, № 291:

²⁷ ՀՄԽԸ ՀԻԿԳԱ, ֆ. 178, դ. 463, թ. 7—10:

²⁸ Ն ու յ ն տ ե դ ու մ, դ. 432, թ. 6:

* * *

Մեծ են ՀՕԿ-ի ծառայությունները ներգաղթի կազմակերպման գործում: Եթե նկատի ունենանք Սովետական իշխանության առաջին տարիներին Հայաստանի տնտեսական ծանր վիճակը, երբ մոլեգնում էին համատարած սովն ու համաճարակները, երբ հարյուր հազարավոր գաղթականներ, որոնք ու անապատան երեխաներ թափառում էին երկրում, երբ գեռ հավաքավոր գործադուրկներ կային Հայաստանում, ապա անվերապահորեն կարելի է ասել, որ այն, ինչ կատարված է Սովետական կառավարության կողմից ներգաղթի ուղղությամբ, հանդիսանում է հայ ժողովրդի նկատմամբ Կոմունիստական պարտիայի հոգատարության և լենինյան սովետային քաղաքականության վառ դրսևորումը: Ներգաղթը նյութական ահագին միջոցներ պահանջող խնդիր էր: Միայն Սովետական Հայաստանի բանվոր դասակարգի, աշխատավոր գյուղացիության և ինտելիգենցիայի կատարած զոհողությունների շնորհիվ Սովետական կառավարությունը հնարավորություն ունեցավ իր գոյության դեռևս սկզբնական շրջանում իրականացնել սփյուռքահայ մեծ թվով աշխատավորների ցանկությունները և կազմակերպել նրանց հայրենադարձությունը: Հայաստանի տնտեսական վերելքին զուգընթաց 1921—27 թթ.²⁹ Սովետական կառավարությունն արտասահմանից ընդունեց մոտավորապես 25.000 հայեր՝ հոգալով նրանց փոխադրության, բնակարանների կառուցման, երկրագործական գործիքների, սերմացուի և մի քանի ամսվա ապրուստի ծախսերը³⁰:

30-ական թվականների սկզբներին, երբ սովետական ամբողջ երկիրը, այդ թվում և Սովետական Հայաստանը, տնտեսական անախյուն ժամանակ էր ապրում, կապիտալիստական աշխարհը, ընդհանրապես՝ ընկել էր համընդհանուր ճգնաժամի մեջ, որի հետևանքով տնտեսական ու քաղաքական ծանր պայմաններ էին ստեղծվել նաև գաղութահայ աշխատավորության համար: Օրեցօր ուժեղանում էր սփյուռքահայության տնտեսական քայքայումը, քաղաքական իրավազրկությունը և հալածական վիճակը: Այսպիսի պայմաններում Սովետական կառավարությունը, որպես աշխատավորության շահերի իսկական պաշտպան, մեծ ջանքերի հասնող ներգաղթ կազմակերպեց: Հենց միայն 1932—1933 թթ., ոչ լրիվ տվյալներով, Հայաստան ներգաղթեցին մոտավորապես 9000 հայ աշխատավորներ³¹: Հայաստանի Օգնության Կոմիտեն այս գործում իր կարևոր ավանդը ներդրեց՝ ստեղծելով համագաղութային մասշտաբով «Ներգաղթի և բնակարանային շինության ֆոնդ», որի կենտրոնական մարմնի նախագահն էր Ավետիք Բսահակյանը: «Ներգաղթի և բնակարանային շինության ֆոնդ»-ում հավաքած ամբողջ դրամարը ՀՕԿ-ի միջոցով հատկացվեց ներգաղթի կազմակերպմանը:

1935 թ. նոյեմբերին ՀՕԿ-ի Կենտրոնական Վարչության կազմած մի ղեկուցագրում նշված է, որ «մինչև այսօր լսորհրդային կառավարության կողմից

²⁹ 1921 թ. տեղի ունեցած ներգաղթի և ընդհանրապես գաղթականական շարժման մասին տվյալներ չեն պահպանվել, չնայած դրան, հայտնի է, որ փետրվարյան ավանտյուրայի լիկվիդացիայի օրերին, զաչնակների պրովոկացիաների հետևանքով Պարսկաստան ապաստանած մոտ մեկ տասնյակ հազար փախստականների վերադարձն է կազմակերպվել: 1926 թ. Լենինականի երկրաշարժի պատճառով հնարավոր չի եղել ներգաղթ կատարել Այսպիսով, 25,000 հոգի ներգաղթել են միայն հինգ տարվա ընթացքում:

³⁰ Տե՛ս «Երևան», Երկօրյա թերթ, Փարիզ, 1928, 8 հունիսի, № 376:

³¹ «ՀՕԿ», Փարիզ, 1933, № 10, էջ 56:

կազմակերպված բարավաններով Հայաստան են ներգաղթել ավելի քան 40.000 աշխատավորներ», որոնք տարիներ շարունակ անտոճ ու անտեր դեղերում էին կապիտալիստական զանազան երկրներում և միայն սոցիալիստական կարգերի շնորհիվ հնարավորություն ստացան վերագաղնալու իրենց հայրենիքը, որպես նրա հարազատ զավակները³²։ Ներգաղթի հետ կապված կազմակերպական ամբողջ աշխատանքը արտասահմանում կատարում էին ՀՕԿ-ի մասնաճյուղերը և նրա Կենտրոնական Վարչությունը։

Սովետական Հայաստանի կառավարությունը և ՀՕԿ-ի Կենտրոնական Վարչությունը բազմաթիվ դիմումներ էին ստանում արտասահմանում գոյություն ունեցող հայկական Հայրենակցական և Վերաշինաց միություններից՝ Հայաստանում նոր ավաններ հիմնադրելու ցանկությամբ։ Հայրենակցական և Վերաշինաց միությունները, որոնց թիվը հասնում էր մի քանի տասնյակի և կրում էին Արևմտյան Հայաստանի այս կամ այն քաղաքի, գավառի անունները, նպատակ ունեին նյութական ու բարոյական աջակցություն ցույց տալ իրենց նախկին հայրենակիցներին։ Այդ նպատակի իրականացման լավագույն արտահայտությունը կլինեին ստեղծված նոր պայմաններում ամեն կերպ զորավոր լինել Սովետական Հայաստանին և նպաստել տարագիր հայ աշխատավորության հայրենադարձությանը։ Բայց Սովետական Հայաստանի երգվյալ իշխամիներն ամեն կերպ ձգտում էին խանգարել Հայրենակցական և Վերաշինաց միությունների այդ ճիշտ ուղիով ընթանալու փորձերը։ Նրանք գտնում էին, որ ավելի լավ է արաբական անապատներում փոշիացնել Հայրենակցական միությունների միջոցները, քան թե Սովետական Հայաստանում մի տուն կառուցել ներգաղթողների համար։ Ամերիկայի «Հաճընցիների Հայրենակցական Միության» ղեկավարները դաշնակների թևադրանքով որոշում էին կայացրել Սիրիայում կառուցել «Նոր Հաճըն» անունով քաղաք և այնտեղ հավաքել բոլոր նախկին հաճընցիներին³³։ Հենց իրենց՝ հաճընցի աշխատավորների միահամուռ բողոքների հետևանքով չիրականացվեց այդ հայրենադավ որոշումը³⁴։

Ահա այս ժամանակ էլ տեղի ունեցավ Հայրենակցական Միությունների շրջադարձը դեպի Սովետական Հայաստան, որի քարտեզի վրա հետագայում առաջացան պատմական Հայաստանի մի քանի քաղաքների ու ավանների «նոր մասնիկի կցումով անունները։ Այդ ուղիով ընթանալու հայրենասիրական աննախընթաց օրինակը տվեց Ամերիկայի «Արարկիրցիների Հայրենակցական Միությունը»։ «Արարկիրցիների Հայրենակցական Միության» դիմումը հարգվեց Սովետական կառավարության կողմից և նրան թույլատրվեց Երևանի մոտ, դեպի Քանաքեռ տանող խճուղու ձախ կողմում, կառուցել «Նոր Արարկիր» ավանը, որտեղ պիտի հավաքվեին բոլոր արարկիրցիները։ «Նոր Արարկիրը» մեծ հանդիսավորությամբ հիմնադրվեց Հայաստանում սովետական կարգերի հաստատման 5-րդ տարեդարձի օրը՝ 1925 թ. նոյեմբերի 29-ին։ Հիմնադրման հանգեսին ներկա էին և ջերմ հիշույթներ ունեցան Հայկենտգործկոմի նախագահ Արտ. Կարինյանը, Վրաստանի Կենտգործկոմի քարտուղար Թոդ-րիան, ՀՕԿ-ի Կենտրոնական Վարչության անդամ Նսայի Կարիկյանը և ուրիշներ։ Այնուհետև Անդրկովկասի Ժողկոմխորհի նախագահի տեղակալ Ս. Սրա-

³² ՏԵՎ. ՀԱՍԹ. ՀՌԿԳԱ, ֆ. 178, դ. 678, թ. 2 — 111։

³³ «ՀՕԿ-ի տեղեկատու», Երևան, 1928, № 1, էջ 13 — 111։

³⁴ Ե ու յ ն ա ե դ ու մ ։

պիտոյանը (Լուկաշին), ՀՍԽՀ ժողովումիսորհի նախագահ Սաքո Համբարձումյանը, Արտ. Կարինյանը, Երևանի գավառի ղեկավար նախագահ Արամ Կոստանյանը և «Արարկիրցիների Հայրենակցական Միության» ներկայացուցիչներ Ղազիկյանը և Սարյանը շարունակեցին ավանի առաջին տան հիմնաքարերը։ Շենքի հիմքում դրվում է մի արժաթյա հուշատախտակ, որի վրա փորագրված էր ՀՍԽՀ Պետական զերբը, հիմնադրման թվականը և հիմնադիրների անունները³⁵։

1928 թ. վերջերին Նոր Արարկիրում արդեն կառուցվել էր 51 տուն, ուր ապրում էին 762 հին արարկիրցիներ։ Ավանն ուներ մանածագործարան, պղնձագործների, դերձակների, կոշկակարների, զուլպայագործների արտելներ, դպրոց, աղումը, զրադարան, մանկապարտեզ և այլն³⁶։ Թե որքան արագ վերելք էր ապրում Նոր Արարկիրը, բավական է ասել, որ նրա արդյունաբերական ձեռնարկությունները միայն 1932 թ. տվել են 2 միլիոն երկու հարյուր հազար ռուբլու արտադրանք³⁷։ Այդ գումարը զերբանցում էր զառնակների ժամանակվա Հայաստանի ամբողջ արդյունաբերության 1919 թ. արտադրանքը, որը 1926—27 թթ. անփոփոխ դներով կազմում էր ընդամենը 1.687.700 ռուբլի³⁸։

Ավելի ուշ Հայրենակցական Միությունների կողմից, Սովետական Հայաստանում հիմնադրվում են նաև մի քանի այլ ավաններ, որոնց կարևոր օգնություն է ցույց տալիս ՀՍԽՀ-ը³⁹։

* * *

Սովետական Հայաստանի մասին սփյուռքահայությունը ճիշտ գաղափար տալու և բուրժուական-ազդեցական պարտիաների դեմ պայքարելու տեսակետից կարևոր դեր են կատարել ՀՍԽՀ-ի պարբերականներն ու այլ հրատարակությունները։ ՀՍԽՀ-ի Գլխավոր Վարչության առաջին պարբերականը «Հրավիրակ» ամսագիրն էր, որը լույս է տեսնում 1925—26 թթ.։ Ընդառաջելով արտասահմանյան մասնաճյուղերի և սփյուռքահայ աշխատավորների ցանկություններին՝ ՀՍԽՀ-ի Գլխավոր Վարչությունը 1928 թ. հրատարակում է «ՀՍԽՀ-ի տեղեկատու» ամսագիրը։ Տարբեր ժամանակներում մի քանի պարբերականներ են լույս ընծայել ՀՍԽՀ-ի Թիֆլիսի («Օգնիր Հայաստանին» և «Հայրենաշեն» թերթերը) և Մոսկվայի («Вестник Комитета Помощи Армян», «Լրարբեր» և «Возрождающаяся Армения» պարբերականները) մասնաճյուղերը։ Իրենց տպագիր օրգաններն ունենին նաև ՀՍԽՀ-ի Ամերիկայի Կենտրոնական Վարչությունը («Շինարար» անոնիմով հանդեսը, լույս էր տեսնում 1927 թ. սկսած), Եգիպտոսի մասնաճյուղը («ՀՍԽՀ» ամսագիրը)։ ՀՍԽՀ-ի Ֆրանսիայի Կենտրոնական Վարչությունը 1933—1935 թթ. Փարիզում հրատարակում էր «ՀՍԽՀ» ամսագիրը, որպես ՀՍԽՀ-ի արտասահմանյան մասնաճյուղերի օրգան։

Սովետական Հայաստանի ու սփյուռքահայության կյանքը և ՀՍԽՀ-ի գործունեությունը մանրամասնորեն լուսարանում էր 1925—30 թթ. Փարիզում լույս տեսնող «Երևան» թերթը։ ՀՍԽՀ-ի այդ լուրոր օրգանները նպաստում էին նրա մասնաճյուղերի գործունեության հաջող ծավալմանը, Սովետական Հայաստան-

³⁵ «Նորհրդային Հայաստան», Երևան, 1925, 1 դեկտեմբերի, № 273։

³⁶ «Երևան», Երկրորդ թերթ, Փարիզ, 17 դեկտեմբերի, 1929, № 468։

³⁷ «ՀՍԽՀ», Փարիզ, 1933, № 3, էջ 44։

³⁸ «Նորհրդային Հայաստանի 15 տարին թվերով», ժողովածու, Երևան, 1933, էջ 4 և 63։

³⁹ ՀՍՄԻ ՀԽԿՊԱ, ֆ. 178, դ. 678, թ. 2—11։

նի համակիրների աճմանն ու հայրենիքի հետ նրանց կապերի ամրապնդմանը:

1925 թ. սկզբներին ՀՅԿ-ի Կենտրոնական Վարչությունը հիմնել էր զեղարվեստական հրատարակչության հատուկ բաժին, որը հրատարակում էր ինչպես ՀՅԿ-ի պարբերական օրգանները, այնպես էլ առանձին զրբեր, բարոյական, նկարներ, ալբոմներ, Հայաստանի տեսարժան վայրերի պատկերներով բացիկներ և այլն⁴⁰: ՀՅԿ-ը հրատարակել է Հովհ. Հակոբյանի «Խորհրդային Հայաստան», Զապել Նսայանի «Պրոմեթեոս ազատագրված», Վահան Թոթովենցի «Նոր Բուզանդիոն», Ակսել Բակունցի «Հովնաթան մարշ» երկերը, Տիգրան Բուզադյանի «Սպիտակ ածուխը Խորհրդային Հայաստանում», Պողոս Աբելյանի «Խորհրդային Հայաստանի վերելքը թվերով», Լեոյի «Թուրքահայ հեղափոխության զազափարաբանությունը» և այլ ուշագրավ ուսումնասիրություններ:

Այս հրատարակությունների միջոցով ՀՅԿ-ը նպատակ ուներ աշխարհի շորս կողմ ցրված հայրենակիցներին բազմակողմանի և ճիշտ զազափար տալ Սովետական Հայաստանի տնտեսական ու կուլտուրական շինարարության մասին և միշտ վառ պահել նրանց մեջ սերը հայրենի բնաշխարհի նկատմամբ:

ՀՅԿ-ի Գլխավոր Վարչությունը նպաստել է նաև սովետահայ երաժշտական ու թատերական կուլտուրայի զարգացմանը:

* * *

Հայաստանի օգնության կոմիտեի գործունեությունն ազգայնական պարտիաների և հատկապես դաշնակցության կատաղի թշնամանքն էր առաջացնում նրա նկատմամբ: Բազմաթիվ փաստեր կան դաշնականների կողմից ՀՅԿ-ի մասնաձյուղերի ու անդամների նկատմամբ կատարված մատնությունների, զրպարտությունների և սպանությունների մասին: Դեռևս 1921 թ. վերջին, երբ նոր էր հիմնադրվել ՀՅԿ-ը, Կ. Պոլսի դաշնականների օրգան «Ճակատամարտ» թերթը պրովոկացիոն լուրեր էր տարածում այն մասին, թե իբր նրա հիմնադիր անդամները Չեկաչի սպանալիքների տակ են ստորագրել և անդամագրվել կոմիտեին...»⁴¹: ՀՅԿ-ը, հենց այս պրովոկացիաների ազդեցության տակ, իր օգնությունը սկզբում Հայաստան էր ուղարկում ոչ թե ուղղակի ՀՅԿ-ի Գլխավոր Վարչության անունով, այլ Մերձավոր Արևելքի Ամերիկյան նպաստամատույց կոմիտեի միջոցով⁴²:

ՀՅԿ-ի դեմ դաշնակցության մղած պայքարում ակտիվ դեր էին կատարում դիվանագետի ծիրանի հազած Ավետիս Ահարոնյանն ու Ալեքսանդր Խատիսյանը, դաշնակցների վերջին նախարարապետ Սիմոն Վրացյանն ու դերմանեղիլ Արշակ Ջամալյանը:

Երբեմնի լավիկան Ավ. Ահարոնյանը խիստ «խրոխտ» կեցվածք էր ընդունում, երբ բեմ էր ելնում իր սովորական դարձած զրպարտություններով՝ Սովետական Հայաստանի և ՀՅԿ-ի դերը նսեմացնելու համար⁴³: ՀՅԿ-ի արտասահմանյան մասնաձյուղերն իրենց առաջացման հենց սկզբնական շրջանում արագորեն տարածվում էին շնորհիվ դադոթաճալ ժողովրդական լայն զանգվածների՝ ղեպի Սովետական Հայաստանը տածած խորը համակրության: Դաշնականներն զգալով, որ կորցնում են իրենց վերջին հենարանը մասսաների մեջ, ձգտում էին ամեն կերպ խանգարել ՀՅԿ-ի մասնաձյուղերի կազմակերպմանը:

⁴⁰ «Հրապարակ», Երևան, 1925, № 1, 9 էջ 13:

⁴¹ ՀՍՍՌ ՀԽՍՀ, ֆ. 178, դ. 6, թ. 5—6:

⁴² Ն ու յ ն տ ե ղ ու մ, թ. 24:

⁴³ «Երևան», փարիզ, 3 փետրվարի, 1926, № 36:

Դաշնակցության դիվանագիտական խոսսափողը՝ Ալ. Ահարոնյանի գլխավորած «Հայաստանի հանրապետության պատվիրակություն»-ը, առաջ էր քաշում այսպես կոչված «էքստերիտորիալ կառավարություն» կամ «գաղութահայ կենտրոնական վարչություն» կազմելու ցնորամիտ իդեան։ Դա ըստ էության պիտի հանդիսանար գաղութահայության միակ ղեկավար օրգանը և ծառայեր դաշնակցության շահերին։ Դաշնակների պարագլուխներից մեկը՝ Նիկոլ Աղլալյանը և նրա համախոհները դռնում էին, որ այդ վարչության համար տերիտորիա անհրաժեշտ չէ, այլ միայն վարչական ապարատ, որտեղ տաքուկ պաշտոններ կունենային Երվանդի մինիստր-նախարարները⁴⁴։ Դաշնակների այս բոլոր խաբկանքների հիմնական նպատակներից մեկն էր սփյուռքահայությանը հեռու պահել Սովետական Հայաստանին համակիր ՀՕԿ-ի կազմակերպություններից։

Բերենք արտասահմանում ՀՕԿ-ի մասնաճյուղերի ստեղծմանը դաշնակների խանգարելու բազմաթիվ փաստերից մեկը. 1924 թ. հոկտեմբերի 23-ին Բեռլինի «Հայ ուսանողական միությունը» ժողով է հրավիրում ՀՕԿ-ի տեղական մասնաճյուղի հիմնելու համար։ Ժողովին ներկա են լինում մոտ 70 հոգի, և, ինչպես նշված է այդ մասին եղած փաստաթղթում, Եկել էին նաև Բեռլինի հայ գաղտնի «Սփյուռքական հերոսները» (խոսքը դաշնակների մասին է — Շ. Մ.), որոնց նպատակն էր խանգարել ՀՕԿ-ի հիմնադրմանը։ Ժողովը տեսնում է մինչև կեսդիշեր, բայց դաշնակ պարագլուխ Արշակ Զամալյանի ու նրա ընկերների դիմադրության պատճառով հնարավոր չի լինում դրական արդյունքի հասնել։ Նախաձեռնողները հրավիրում են Երկրորդ ժողովը և իրականացնում ՀՕԿ-ի մասնաճյուղի կազմակերպումը⁴⁵։

Դաշնակները իրենց մատնություններով, սպառնալիքներով ու սպանություններով հասան այն բանին, որ տեղական իշխանություններն արգելեցին ՀՕԿ-ի Բեյրութի, Կահիրեի, Ալեքսանդրիայի և Ալժիրի մասնաճյուղերը։ Խիստ վավերական է հնչում իրենց «ազգասեր», «հայրենասեր» ու «հեղափոխական» հորջորջող դաշնակների՝ Ալժիրի իշխանությունների մոտ կատարած այն վերապարտչական մատնությունը, թե իրր ՀՕԿ-ի տեղական մասնաճյուղի կողմից երկրաշարժից տուժած լեռնականների բնակչության համար հանգանակվող գումարները «կոմունիստական կուսակցության համար են»⁴⁶։

Պայքարի նույն խարդախ մեթոդներին էին դիմում դաշնակները նաև Հարավային Ամերիկայում։ Բուենոս-Այրեսի մասնաճյուղը ՀՕԿ-ի Գլխավոր վարչությանն ուղարկած իր զեկուցագրերից մեկում այդ մասին հայտնում է հետևյալը. «Հանրաժանոթ են այն մատնությունները, որոնք կատարվեցան մեր բնակչությանը վրա, որոնք բերումով ձերբակալվեցան երեք տասնյակ մը ժողովականներ Պուենոս-Այրեսի մեջ, ժողովրդային վարժարանի և ՀՕԿ-ի դրադարանի վրա՝ Մոնթեվիդեոյի մեջ, ուր բանտ առաջնորդվեցան մեր կարգ մը ընկերներն ու համակիրներն։ Հարձակումներն զերծ չեղան Պրավիլի ու Ֆլորեսի մեր ընկերները։ Մանավանդ Ֆլորեսի մեջ մատնիչ ստոր արարածները (խոսքը վերաբերում է դաշնակներին — Շ. Մ.) չի վարանեցան ոստիկանատան մեջ հայտարարել իրենց ֆաշիստ ըլլալը և նույնիսկ Եկեղեցական քաղաքացիներին զրպարտել իրրև հեղափոխական, հակակառավարականներ»⁴⁷։

⁴⁴ ՀՍՍԽ ՀԻԿՊԱ, ֆ. 178, գ. 66, թ. 66—88։

⁴⁵ Ն. ու յ. ն. տ. դ. ու մ. գ. 269, թ. 18։

⁴⁶ Ն. ու յ. ն. տ. դ. ու մ. գ. 374, թ. 13—15։

⁴⁷ ՀՍՍԽ ՀԻԿՊԱ, ֆ. 178, գ. 741, թ. 8։

Ասենք այլ վարքագիծ չէր էլ կարելի սպասել նրանցից, ովքեր նույնիսկ Նյու-Յորքում հրատարակվող հայ բողոքական պատվելիների օրգան «Հայաստանի կոչնակը» Սիրիայում արգելել տալու համար կառավարությանը հավատացնում էին. թե այդ թերթը «... ծառայում է հորհրդային իշխանության պրոպագանդին»: Բանն այն էր, որ «Կոչնակը» երբեմն քաղվածքներ էր կատարում Սովետական Հայաստանում կատարվող շինարարական աշխատանքների ու մշակութային նորությունների վերաբերյալ⁴⁸։ Զգալով, որ Սովետական Հայաստանի մասին սփյուռքահայությանը հասնող ամեն մի ճշմարիտ փաստ մի կործանիչ հարված է իրենց համար, դաշնակները 204-ը տեղական իշխանությունների մոտ ներկայացնում էին որպես «համայնավար» կազմակերպություն, իսկ նրա անդամներին՝ որպես «պոլիշեիկներ», արգելել էին տալիս Սովետական Հայաստանի ձեռք բերած նվաճումների մասին պատմող գրականության, մամուլի տարածումը և կինոֆիլմերի ցուցադրումը։

Ձեռյառ այս բոլոր դավերին, արտասահմանում օրեցօր աճում էին 204-ի մասնաճյուղերը, իրենց շուրջը համախմբում սփյուռքահայ կենսունակ տարրերին և դառնում սփյուռքահայ կյանքի աշխուժացման կարևոր ազդակներից մեկը։ Գաղութահայ մասսաների մեջ լայն ժողովրդականություն էին վայելում 204-ի մասնաճյուղերի ստեղծած մշակութային միությունները, գրադարանները, ակումբները, թատերական ու երգի ինքնագործ խմբերը, որոնցից շատերը կրում էին Հայաստանի տեղանունների և ունությունների ականավոր գործիչների ու գրողների անունները։ Այսպիսի ճանապարհով ընթանալով՝ 204-ը սկսեց էական գեր կատարել գաղութահայության ղեկավարման գործում։ Դաշնակները տեսնելով, որ չկարողացան դրսից խանգարել 204-ի գործունեությանը՝ փորձեցին թափանցել արտասահմանյան մասնաճյուղերի ղեկավարության մեջ և իրենց ցանկացած ուղղությունը տալ նրանց, այսինքն՝ 204-ի կազմակերպությունները հակադրել Սովետական Հայաստանին։ Որոշ վայրերում դաշնակներին հաջողվեց հասնել իրենց նենգ նպատակներին։ Այդ վտանգի դեմ պայքարն ուժեղացնելու նպատակով 204-ի Գլխավոր Վարչությունը 1926 թ. մարտի 24-ին հատուկ որոշում ընդունեց⁴⁹։

Դաշնակները կաշվից դուրս էին գալիս, որպեսզի խանգարեն 204-ի ժողովրդականացմանը հատկապես գաղութահայ կարևորագույն կենտրոններում։ Ս. Վրացյանը՝ Բոստոնում հրատարակվող դաշնակցական «Հայրենիք» թերթում 1925 թ. դեկտեմբերին Ս. Մաստուրյան կեղծանունով լույս ընծայած իր մի հոդվածում թունոտ ատելությամբ փորձում էր յապացուցել, թե իբր 204-երը Ամերիկայում ժողովրդականություն չունեն։ Բայց փաստերն այլ բան էին ասում։ Դաշնակները 1925 թ. հոկտեմբերի 25-ին, իրենց 35-ամյակի առթիվ, Նյու-Յորքում հայտարարել էին «դաշնակցության օր», սակայն ավելի քան 10.000 հայություն ունեցող գաղութից հաղիվ 300—350 հոգի էին հավաքվել նրանց «ձրի մուտքով» Երեկույթին, մինչդեռ 204-ի նույն օրը կազմակերպած հանդեսին, որի մուտքի տոմսերը ի միջի այլոց 1—2 դոլար արժեին, եկել էին ավելի քան 1000 մարդ և հենց տեղում էլ 75 հոգի անդամագրվել 204-ին⁵⁰։

⁴⁸ «ՀՅԿ», Փարիզ, 1934, № 4, էջ 249։

⁴⁹ ՀՍՍՌ ՀԻԿԱ, ֆ. 178, գ. 418, թ. 4—5։

⁵⁰ «Ներսիս», Փարիզ, 3 դեկտեմբերի, 1925, № 18։

ՀՊԿ-ի դեմ իրենց կատաղի պայքարում դաշնակները հաճախ դիմում էին նաև տեղորոշական ակտերի: 1933 թ. Փարիզում ստեղծված «Դաշնակ տեղորոշի զոհերու պաշտպանության Կենտկոմի»՝ գաղութահայությանն ուղղված կոչերից մեկում նշված է, որ ՀՊԿ-ի շարքերից մոտավորապես 10 տարվա ընթացքում, տասնյակներով զոհեր ընկան դաշնակ տեղորոշատների ձեռքով Բեյրութում, Աթենքում, Լիոնում և այլ վայրերում⁵¹: 1933 թ. փետրվարի 26-ին Ֆրանսիայում, Վալանսի դեպարտամենտի Գրենոբլ քաղաքում, դաշնակները սպանում են ՀՊԿ-ի լավագույն անդամ Մանուկ Մարությանին և վիրավորում 5 ուրիշ անդամների այն բանի համար, որ նրանք ժողովի ժամանակ, հակառակ դաշնակների՝ Ծովետական Հայաստանի նկատմամբ կատարած զրպարտությունների, բացականչել են՝ «Կեցցե՛ խորհրդային Հայաստանը»: «Դաշնակ տեղորոշի զոհերի պաշտպանության Կենտկոմը» անդրադառնալով այդ դեպքերին, իր վերոհիշյալ կոչի մեջ գրում էր. «Գրենոբլի զոհ Մարությանից հետո զոհվեց Գրլըճյանը Աթենքում: Ալեքսանդրիո մեջ կը հարվածվի տոթթ. Թաշճյան, մինչ Ամերիկա Գույումճյան հարձակման կենթարկվի եռագույնի (դաշնակների տիրապետության ժամանակվա Հայաստանի դրոշմ — Հ. Մ.) դեմ արտահայտված ըլլալու համար»⁵²:

Կոչը խորհուրդ էր տալիս տեղերում ստեղծել «դաշնակ տեղորոշի զոհերու պաշտպանության հանձնախումբ»-եր և միասնական պայքար մղել դաշնակների դեմ, «... որովհետև, միայն ժողովրդական ցասումի հսկա ալիքին առջև է, որ Վրացյանները և Զամալյանները պիտի մտնեն իրենց որջերը ու պիտի չվրդովեն՝ իրենց քաղաքական արկածախնդիր խաղերով, գաղութահայ հասարակության հանգիստն ու ապագան»⁵³:

Ֆաշիզմի առաջացումը միջազգային արենայում մեծ աշխուժություն մտցրեց նաև դաշնակցության գործունեության մեջ՝ ընդդեմ հայկական դեմոկրատական կազմակերպությունների: Նրանք ամենուրեք ուժեղացրին իրենց պայքարը հատկապես ՀՊԿ-ի դեմ: Ահա բազմաթիվ փաստերից մեկը. 1934 թ. վերջերին և 1935 թ. սկզբներին դաշնակների կեղծ ամբաստանությունների ու մատնությունների հետևանքով, Ալեքսանդրիայում անգլիական ու եգիպտական իշխանությունների կողմից բանտարկվեցին տեղական ՀՊԿ-ի ղեկավարներն ու բազմաթիվ անդամներ՝ մոտավորապես 80 հոգի: Նրանց դեմ որպես մեղադրյալ հանդես էր գալիս հակաօսմանական երդվյալ տարրերից մեկը՝ դաշնակցական «Հուսաբեր» թերթի արտոնատեր Օննիկ Մաճառյանը: Քննության ժամանակ նա հայտարարում է եգիպտական դատախազին, թե «ՀՊԿ-իստները համայն աշխարհի մեջ, ՀՊԿ-ի դիմակին տակ գործող ամենավտանգավոր համայնավորներն են»⁵⁴:

Այսպիսով, միջազգային իրադրության բարդացմանը ղուգընթաց, երկրորդ համաշխարհային պատերազմի նախօրյակին է՛լ ավելի է ուժեղանում ռեակցիան առաջադիմական, օսմանական կարգերին համակիր կազմակերպությունների դեմ: Ամբողջ կապիտալիստական աշխարհում, մասնավորապես Եվրոպայում և Մերձավոր Արևելքի երկրներում, խիստ հալածանքներ են սկսվում նաև ՀՊԿ-ի մասնաճյուղերի և անդամների դեմ:

⁵¹ «ՀՊԿ», Փարիզ, 1933, № 8, էջ 56—59:

⁵² Ն ու յ ն տ ե ղ ու մ:

⁵³ Ն ու յ ն տ ե ղ ու մ:

⁵⁴ Տե՛ս՝ «ՀՊԿ», Փարիզ, 1933, № 2, էջ 68:

ՀՅԿ-ի հիմնադրումից հետո անցած ժամանակամիջոցում մեծագույն փոփոխություններ էին կատարվել Հայաստանի կյանքում: Դրան համապատասխան փոխվել էր նաև ՀՅԿ-ի գործունեության բնույթը: Մեր երկրի սոցիալիստական շինարարության ասպարեզում ձեռք բերած համաշխարհային պատմական նվաճումների շնորհիվ վաղուց արդեն դադարել էր Սովետական Հայաստանի համար որևէ նշանակություն ունենալ դրսից ստացվող նյութական օգնությունը: Այսպիսով ՀՅԿ-ի անունը այլևս չէր համապատասխանում այդ կազմակերպության գործունեությանը: Նա դարձել էր ավելի շուտ սփյուռքահայ աշխատավորությանը Սովետական Հայաստանի հետ կապող օղակներից մեկը: Ուրիշ երկրների, ինչպես և սփյուռքահայության հետ փոխադարձ մշակութային և այլ կապեր էին հաստատել նաև «Արտասահմանի հետ կուլտուրական կապի ընկերությունը»՝ և նման այլ կազմակերպություններ, որոնք ՀՅԿ-ի համեմատությամբ շատ ավելի լայն մասշտաբներով էին իրականացնում այդ խնդիրները: Հետևապես նպատակահարմար չէր «Հայաստանի Օգնության Կոմիտեի» անվան տակ այդ կազմակերպության հետագա գոյությունը: Ուստի ՀՍԽՀ Ժողկոմխորհի 1937 թ. դեկտեմբերի 3-ի որոշմամբ Հայաստանի Օգնության Կոմիտեն դադարեցրեց իր գործունեությունը⁵⁵: ՀՅԿ-ի շարքերում համախմբված սովետական օրիենտացիա ունեցող սփյուռքահայ բազմահազար աշխատավորները ճիշտ ըմբռնեցին Սովետական կառավարության այդ որոշման իմաստը և երբեք չթուլացրին իրենց կապերը հայրենիքի հետ: Նրանք հետագայում ստեղծեցին պրոգրեսիվ նոր կազմակերպություններ և շարունակեցին իրենց պայքարը Սովետական Հայաստանի ու սփյուռքահայ աշխատավորության թշնամիների դեմ:

Այսպիսով Հայաստանի Օգնության Կոմիտեն իր գործունեությամբ որոշակի դրական դեր կատարեց, նպաստելով սոցիալիստական հայրենիքի հետ սփյուռքահայ աշխատավորության կապերի ամրապնդմանը: